


Un tesoro scondi cu ta bale la pena bishita

Museo di antiguedad su coleccion ta impresionante



y sali satisfecho di sa un poco mas di Aruba su historia. Esnan cu bishita e museo lo sali cu un mihor bista riba nos desaroyo cultural.

Dia di Himno y Bandera, 18 di maart proximo, Museo di Antiguedad un biaha mas tin un tremendo celebracion cuminsando di 10'or di mainta te cu 4'or di atardi. Durante e evento e famia lo habri su portanan y orguyosamente mustra henter e coleccion cu tur su historia. Guianan, bakia riba e materia, lo elabora riba detayenan interesante di e diferente artefactonan.

Invitacion ta keda pa amantenan di historia, cultura y archeologia di Aruba, bin admira articulonan di tempo di indian, colonial y tambe un exposicion etnografico. Bin sinti un poco di nostalgia pa e



Aruba di antes admirando artefactonan di antes, e.o. herment, muebles, cuerdas, boter, sombre y hopi mas. Siña conoce e diferente tiponan di piedra di rond Aruba y nan origen. Tambe lo tin un caha di orgel pa duna un ambiente festivo v lo tin un

bar y cushina crioyo pa completa e ambiente unda henter famia por pasa un rato ameno.

Pa mas informacion por tuma contacto cu Museo di Antiguedad na tel: 583-2039 of 965-6969 of pasa personalmente na Timbalstr. 11 na Tarabana.

ORANJESTAD (AAN): Aruba ta rico na cultura y tesoro scondi. Esaki ta un impresion cu mayoria di hende lo sali cune for di e tremendo actividad riba dia di himno y bandera Museo di antiguedad. Museo di Antiguedad a ser habri aña pasa door di Minister di Cultura, sr. Ramon Lee y a keda dedica aña pasa na defunto sr. Mario Odor, un coleccionista dedica cu ta stima tur loke ta cultura di Aruba. Sr. Mario Odor, a laga 3 coleccion atras pa Aruba cual cada un por ta

un museo riba su mes. Esun mas conoci ta e coleccion di Moneda, conoci como museo numismatico, pronto lo ta den e casita geel tras di Arubus na Playa. E otro dos coleccionnan ta menos conoci pero ta igualmente impresionante, esta di antiguedad y etnografico.

Museo di antiguedad, situa na Timbalstr. 11 na Tarabana ta contene na e momentonan aki ambos coleccion haciendo esaki un oportunidad unico pa e bishitante keda absorbi pa tanto informacion